



# **SIE 2021**

## **Via d'uaul Plaunca Su – Pardi**

### **Project e credit per segironza e reparatura**

## **M E S S A D I**

dalla suprastonza communal a al cussegl da vischnaunca

Preziau signur president  
Preziadas signuras cusseglieras  
Preziai signurs cussegliers

La via d'uaul ch'ei vegnida realisada da 1971 entochen 1976 se presenta sil tschancun da Plaunca Su entochen Pardi en in schliet stan. La fundaziun po buca pli purtar las grondas peisas. Deformaziuns dil tgierp dalla via semuossan sigl entir tschancun. Scarpas ein sbassadas e las deflussiuns funcziuneschan mo parzialmein. Oravontut il passadi dalla Val d'Uors sur l'aua da

Magriel per contonscher il plaz da lenna a Pardi fa fastedis. Aua gronda e bovas caschunan regularmein gronds donns vid il passadi, vid la via funsila engiuviars encunter Fontaunetta, vid terren agricol sco era vid igl aquaduct ed implonts dalla Corporaziun d'aua Spina da Vin. Ils davos 10 onns ei vegniu impundiu entras la vischnaunca sur frs. 100'000.-- per reparar da quels donns.

La via d'ual contonscha 172.5 ha uaul cun ina provisiun da lenna da bien 60'000 tfm. Tenor las calculaziuns per l'utilisaziun dalla lenna el plan da menaschi per tgirar quels uauls munta il quantum annual a biebein 500 tfm. Quei vul dir ch'els proxims 40 onns vegnan 20'000 tfm transportai sur la via d'ual. Supplementarmein al diever forestal porta la via d'ual access a differents mises, survescha schibein al diever agricol sco era al diever turistic (pista da skis, via da velos, senda da viandar) e porscha access all'infrastructura pil provediment d'aua ella Val Acletta. En mira alla situaziun munglusa dall'ovra ei ina reparatura e sanaziun da tala indispensabla.



Devastaziun dil passadi entras la bova el decuors digl onn 2011



Tgierp dalla via deformada e sbassada, situaziun 2019



Devastaziun dalla via funsila egl uost 2019



Donns da cultira e vid implonts dalla Spina da Vin (mira paliet) igl onn 2019

## Project



Situazioni SIE 2021 Plaunca Su - Pardi

Las finamiras dil project ein da reparar ils donns vid las ovas. El rom dallas reparaturas necessarias vid il tgiertp dalla via vegn era il profil interior ("Lichttraumprofil") reconstruius, aschia ch'el corrispunda alla norma "WaldstrasseSTANDARD" digl uffeci d'uaul e prighels dalla natira dil Grischun. Il passadi a Pardi dalla Val d'Uors duei vegnir surmuntaus niev cun ina punt da 10 m lunghezza e 4.5 m ladezia. Sin pliras parts ei previu da rimnar las auas dalla spunda e menar naven talas. La fundaziun actuala ei vegnida analisada. Tenor il resultat dall'analisa ei quella fundaziun buca stabila avunda e sto vegnir remplazzada completamein. Las scarpas vegnan segiradas cun ovas da sustegn.

## Cuosts

Sin fundament dil project ein ils cuosts vegni calculai. Ils cuosts per la realisaziun dil project SIE 2021, object via d'uaul Plaunca Su - Pardi secumponan sco suonda:

• Installaziuns	frs.	79'500.00
• Lavurs d'impressari scavaments	frs.	168'479.00
• Lavurs d'impressari fundaziuns	frs.	124'890.00
• Deflussiuns	frs.	82'589.00
• Ovas da sustegn	frs.	663'651.00
• Diversas	frs.	5'850.00
• Nunpreviu (10%)	frs.	112'495.75
• Survigilonza, projectaziun (8%)	frs.	98'996.25
• Taglia sin plivaleta (7.7%)	frs.	102'906.75
• Rundau	frs.	<u>642.25</u>
<b>Total</b>	<b>frs.</b>	<b>1'440'000.00</b>
<b>Contribuziuns confederaziun e cantun (70%)</b>	<b>frs.</b>	<b>1'008'000.00</b>
<b>Cumpart vischnaunca (30%)</b>	<b>frs.</b>	<b>432'000.00</b>

La fixaziun definitiva dil pei da subvenziun succeda en connex cun l'approbaziun dil project global SIE 2021 entras la Regenza dil cantun Grischun. Per quei project vegn quel a semover entuorn 70%.

## Realisaziun

Plan da termins:

- Approbaziun dil project entras cussegl da vischnaunca 17 d'avrel 2020
- Approbaziun dil credit entras cussegl da vischnaunca 17 d'avrel 2020
- Inoltraziun dil project previu agl uffeci d'uaul e prighels dalla natira a basa digl instrument KUFI primavera 2020
- Decisiun da principi entras igl uffeci d'uaul e prighels dalla natira fin uost 2020
- Submissiun e surdada dallas lavurs schaner 2021
- Approbaziun dil project entras cantun per damonda alla Regenza grischuna matg 2021
- Realisaziun dil project, 1. etappa decuors dil 2021
- Realisaziun e terminaziun dil project, 2. etappa decuors dil 2022

## Proposta

Sebasond sin las consideraziuns suramenziunadas

### propo na


la suprastonza communal al cussegl da vischnaunca da:

1. approbar il project "SIE 2021, object via d'uaul Plaunca Su - Pardi" per realisaziun;
2. conceder in credit net da frs. 432'000.-- per realisar il project SIE 2021, object via d'uaul Plaunca Su - Pardi (cun resalva dall'approbaziun e creditaziun dil project entras las instanzas cantunalas);
3. suttametter quella damonda da credit el senn dallas prescripziuns digl art. 21 lit. c dalla constituziun communal al referendum facultativ.

Suprastonza communal Disentis/Mustér  
Il president: Il canzlist:



Robert Cajacob



Andri Hendry

Disentis/Mustér, ils 16 da mars 2020